

新都縣志

282131
36
部三二



19156204
Vol. 1-3



道光甲辰十一月

新
都
縣
志

尊經閣藏板

新都縣志序

志者史之流別也隋志經籍以郡國書歸雜傳地理之記別部而未兼晉摯虞依禹貢周官作畿服經嗣學者因其經歷竝有紀載然不能成一家之體齊陸

澄聚一百六十家之說編而為部謂之地理書任昉顧野王踵成地記暨輿地志自是遂夥凡厥州邑分野封畧阨塞戶口亭城道里土田民物時俗先賢舊政靡不具悉夫上諸太史茲乃

權輿必覈必詳庶昭賅備昌黎
韓子固云土地之書未嘗一得
其門戶且謂古之人未有不通
此而為大賢君子方欲退而往
學焉志之難言也鉅儒為退之
猶遜謝管窺瑣學不能逮遠但

記郡邑之名而已庸詎敢侈史
之末事哉新都漢隸廣漢郡今
屬成都府距四十里常道將云
蜀以成都廣都新都為三都號
名城復言多名士有楊厚董扶
又有四姓馬史汝鄭蓋屹然附

會城勝區也麗潤沃饒水清而
深土畝而金鎮浸靈孕冠帶甲
於旁邑嚮無志乘乾隆初陳令
銛肇纂時閩中鄭石幢宰繁為
之序而邑耆舊無知者求其書
不可得葢草創未及梓矣迨余

承乏稽圖問俗吏以冊進乃嘉
慶十八年修省志當事者條綴
舊通志倉卒盈帙以應檄取者
每加繙閱訛濫漏脫不一而足
中謬妄尤劇如升菴先生之桂
湖本尋常游玩所也而以為衛

湖攷衛常章武時為繁令鑿西
湖引都江堰水灌溉田畝其利
甚溥後人尸祝之名曰衛湖宋
蘇實為宰嫌衛湖蛙鳴取大者
以硃筆點其額放於城外墓水
河此繁之故蹟於新都何與殆

沿舊通志而誤也升菴歿南中
歸殯於蜀黃安人迎柩至瀘州
並取其妾與所生子而歸年譜
所載甚詳舊志以為家人欲成
服安人以天威不測用庶人禮
殮世宗開棺驗之見所服始感

悟復其爵位吁里巷瞽談謾語
顧以之入簡編尚云徵信而可
臚典故備採擇乎深鬱於衷適
有學宮黌校文昌廟考棚演武
廳倉廩鄉社諸大役而不遑給
繼濬桂湖轅樓閣蒔卉木以復

用修之徽蹟皆次第告竣縣人
士諄然以修志請夫邑有志猶
國有史也史紀一代之事實無
遺志亦紀一邑之事實無遺雖
百世下終必賴之且因文以求
義因事以求鑒興廢因革循迹

反已未必非守土者之大助也
舊志收攬既疎成迫於猝邇年
逾四紀矣甄錄有關美隨日落
善因月稀故諺曰一日不書百
事荒蕪夫豈無輝闡可識者視
燼焉莫之恤哉爰屬紳士勤極

收拾參訪周咨核實乃登延漢
州前任會理州學博張君玉泉
秉筆余於餘力亦為剖校間附
以臆決論述一二其山川水利
古蹟人物原本史籍匪據靡存
類為十二目釐為十八卷例創

乎新文增於舊七閱月而成收
之於晦曠軼泆之餘復光著若
發蒙矣非此余之所能也若有
以導之而不得其故也徵文考
獻訂訛補缺較舊志雖眇尺度
然以韓子所願往學者而遽詡

意得十八九覈量於陸任諸古
作者乎趙閱道言之矣知之有
未至編之有未及其俟於後之
君子也乎

道光二十四年歲次甲辰十一
月知新都縣事毘陵張奉書序

新都縣志序

新都縣志

序



八

新都縣志卷一

凡例

一卷首恭編

聖謨尊

王章也我

朝

列聖相承尊師重道勤政恤民謨誥典章如綸如綍允為

萬世法守州縣舊志編入藝文殊非體制謹依

畿輔通志四川通志之例載入卷首以為全集冠

新都縣志

卷一 凡例

冕不惟簡冊增輝庶幾是訓是行仰觀

天子之光於萬一云爾

一瀟湘八景圖宋人偶一為之厥後志家轉相蹈襲

十景八景之目無地不有是處可移但一開函已

使人攢眉捉鼻矣今列縣治學宮書院八陣桂湖

各圖於卷首標題即用本名庶見山川古蹟真面

目

一天文之學各有專家非末學所能臆測如東井為

秦分又為蜀分秦蜀封疆密邇猶可言也若晉書

云自畢十二度至東井十五度魏分屬益州以益州合於魏地則風馬牛不相及矣後儒集矢紛紛誠非過當然其傳已久不敢輕議故仍舊存之一歷代郡縣沿革如繭絲牛毛所謂差之毫釐謬以千里者茲考證羣書詳列原委其疆域一以

一統志爲斷

一城池關隘津梁驛傳舖遞營制通志各爲一門茲統列於建置之內俾一方輿作開卷瞭如食貨祠祀諸志均仿此

新都縣志

卷一

凡例

二

一水利爲生民之命邑中各處堤堰來源去委必條分縷晰詳悉書之不使稍有紊亂庶耕作者知所盡力不致迷於所向且亦免爭競也

一田賦丁戶雜稅均照賦役全書開載

一典禮就邑中所現應行者纂輯其儀注悉遵

大清會典

一前代墳墓古蹟之在縣境者如王稚子馬超明儒楊清風墓道八陣圖必爲清釐界址招佃典守刊立碑記禁人樵牧亦守土者所有事也王稚子石

闕原有二今只存一康熙時王漁洋典蜀試原碑
具在凡碑陰題跋載入蜀道驛程記中甚詳今歷
考前人之論著詳列於墓誌下以備後人考核
一志貴訂訛始可傳信舊志採取舊通志不加釐正
謬誤滋甚如職官列衛常蘇實盧照隣王几於知
縣明宋維忠列於典史考衛常嘗鑿西湖引都江
堰之水灌溉田畝邑人德之名曰衛湖蘇實爲合
嫌衛湖蛙鳴以硃點其額放於墓水河此新繁事
也於邑何涉舊志以桂湖當之夫以千百世興修

新都縣志

卷一 凡例

三

水利庇蔭無窮方且沒世不忘曾以升菴先生一
代偉人忽更衛湖之名爲桂湖據爲已有鄉黨自
好者不爲而謂賢者爲之乎唐盧照鄰宋王几皆
縣尉非縣令也宋維忠主簿非典史也人物志之
李尤漢書華陽國志俱載雒人非新都人考晉時
嘗移新都郡於雒置太守而以新都縣屬之亦不
可以漢之雒人而屬晉之新都選舉志任漢溫江
人今概從刪削

一職官列入名宦祠者明時尙有數人而舊志不列

傳今詳考史書及文廟各祠宇塚墓碑記各省通志前人文集敘爲職官表以清眉目並爲補傳以垂永久註明所引原書於下不敢妄增一語

一楊文忠輔弼兩朝立興世子滅先朝浮費數百萬斬江彬於俄頃不動聲色使國家安於磐石扶危定亂之功實在韓魏公之上明史固有列傳然必參考其時傳誌墓銘而事始可互見是集凡關係文忠事蹟者廣爲收列昔張舍人墳作郿縣志因宋張載張戢爲邑人旣撰列傳並彙行狀世系語

新都縣志

卷一 凡例

四

錄爲一書爲張氏傳錄張氏道統錄亦此物此志也

一志貴證據昔衛正叔作禮記集說曰他人著書惟恐不出於己予則惟恐不出於人朱竹垞作經義考曰下舊聞卽倣此例是編竊照此義悉採羣書分註於下間有出自管見者則加一按字別之

一志忌重複但事有關涉數處則彼此俱見互相勾貫而詳畧不同此古人互文例也然必註明詳某處以便參攷

一列傳固貴簡核亦貴詳明而修志者率寥寥以數
言畢之雖古今之傑士奇人彪炳史書者一入志
家剪裁便覺精華頓盡夫史紀一代而從詳志紀
一方面而從畧竊以爲於義無取也新唐書進表云
事增於前文省於舊而後人謂其所不及古人者
病正在此故今所載人物悉據華陽國志列史本
傳書之近今人物無書可據者必出自公舉蓋清
議所關非一秉至公難以信今傳後也

一人物例不爲生人立傳惟守貞列女已奉 旌表

新都縣志

卷一

凡例

五

及年例已符而有待 旌表者雖其人尙存悉登
入以勵風化

一諸志藝文多分體類茲一以時代編次代以統人
人以統文亦古人編年之意也詩亦倣此例

一志中所載諸詩文俱取有關於邑境者登之其邑
先達詩文雖無關邑境而有可傳者附列於後緣
一邑文獻所關不容廢棄此固新安文獻志例至
時近詩文概不登載而於邑乘實有關係者間登
一二並非有棄取也識者諒之

一升菴著作四百餘種文字之富古今無兩爰做經義攷之例合邑人之著述彙爲一冊並升菴年譜附於藝文志之末而以雜志終焉

一是志編纂始於甲辰二月告成於八月爲門十二爲卷十八考獻徵文未免挂一漏萬其訂譌補缺尙有待於後之君子

新都縣志

卷一 凡例

新都縣志卷三

卷首

聖謨

卷一

天文志

星野考 分野圖

輿地志

沿革 表說 疆域 山川 古蹟

卷二

新都縣志

卷一 目錄

輿地志

建置 城池 關塞 鄉場 津梁 公署 驛傳 舖遞 營制

水利志

堤堰

食貨志

田賦 積貯 社穀 濟穀 人丁 戶口 雜稅 鹽課 茶課 蠲政 物產

卷四

典禮志

慶賀 祀典 公儀 宣講 賓興 禮 鄉飲 酒禮 風俗 氣候 歲時

卷五

學校志

學宮

書院
義學

卷六

祠祀志

壇廟

寺觀
塚墓

卷七

職官表

政績

卷八

新都縣志

卷一

目錄

八

選舉志

卷九

人物志

卷十

人物志

卷十一

藝文志

卷十二

藝文志

卷十三

藝文志

卷十四

藝文志

卷十五

藝文志

卷十六

經籍志

卷十七

新都縣志

經籍志

卷十八

升菴年譜

雜志

卷一

目錄


九

坤輿圖

新都縣志

卷一


地輿圖



新都縣志

卷一





新都縣志


卷一

三

城池圖




聖廟圖



新都縣志

卷一





文昌宮圖

新都縣志

卷一

五



火神廟圖



新都縣志

卷一

六

龍神祠圖




武廟圖



新都縣志


卷一

七




新都縣志

卷一




縣署圖




新都縣志

卷一

九




書院圖



新都縣志

卷一

桂湖



新都縣志

卷一

十一



彌牟八陣圖說

馬隆贊曰治兵以信求聖以奇信不可易戰無常規可握則握可施則施千變萬化敵莫能知


按彌牟八陣圖一百二十有八壘殆用周易之道八八成行兩陣俱立左法上經三十卦而重為六十壘右法下經三十四卦而重為六十八壘內法六子六八四十八而重為九十六壘外法二老二八一十六而重為三十二壘極錯綜之數以成奇正之形出没變化神明莫測雖分繪為八陣要不一離平易象而已

新都縣志

卷一

八陣圖說

天覆陣圖



天覆陣說

馬隆贊曰天陣十六內方外圓四面風衝其形象天為陣之主為兵之先潛用三軍其形不偏


按外之分變為天覆陣有風無雲用總陣外間之隊以天衝列中以天衝列四陣以風列四維所謂風附天而形圓是也

新都縣志

卷一

八陣圖說

地載陣圖



地載陣說

馬隆贊曰地陣十二其形正方雲生四角衝軸相當其體莫測動用無疆獨立不可配之於陽

按內之分變為地載陣有雲無風用總陣中間之隊以地軸列中以地衝列四正以雲列四角所謂雲附地而形方是也


新都縣志

卷一

八陣圖說

三

風揚陣圖



風揚陣說

馬隆贊曰風無正形附之於天變而為蛇其意漸元
風能鼓動萬物驚焉蛇能圍繞三軍懼焉

按右之分變為風揚陣有風無雲用總陣右一半
隊以地軸列中以天衝列前後以天衝列前地軸
之左右以地衝列後地軸之左右以四維風列大
衝之兩端所謂風附衝而形銳是也


新都縣志

卷一

八陣圖說

四

雲垂陣圖



雲垂陣說

馬隆贊曰雲附於地則知無形變為翔鳥其狀乃成鳥能突擊雲能晦冥千變萬化金革之聲

按左之分變為雲垂陣有雲無風用總陣左一半隊以地軸列中以天衝列前後以地衝列前地軸之左右以天衝列後地軸之左右以四維雲列天衝之兩端所謂雲附衝而形有聚散是也

新都縣志

卷一

八陣圖說

五

龍飛陣圖



龍飛陣說

馬隆贊曰天地後衝龍變其中有手有足有背有胸
潛則不測動無窮陳形亦然象名其龍

按後之分變為龍飛陣有雲無風用總陣後一半
隊以天衝列前為首天衝次之地衝又次之以地
軸列中為腰地衝次之天衝又次之以天衝列後
為尾以雲列四維為翼所謂雲從龍而形象龍飛
是也


新都縣志

卷一

八陣圖說

六

虎翼陣圖



虎翼陣說

馬隆贊曰天地前衝變為虎翼伏虎將搏盛其威力
淮陰用之變無極垓下之會魯公莫測

按前之分變為虎翼陣有風無雲用總陣前一半
隊以天衝列前為首天衝次之以天衝列後為尾
以風列四維為足所謂風從虎而形象虎翼是也


新都縣志

卷一

八陣圖說

七

鳥翔陣圖




鳥翔陣說

馬隆贊曰鷲鳥擊搏必先翺翺勢凌霄漢飛禽伏藏
審而下之必有一傷一夫突擊三軍莫當

按東北西南二隅變為鳥翔陣有雲無風用總陣
二隅之隊以天衝為首尾以地軸列左右天衝次
之地衝又次之以雲列兩端為兩翼所謂雲附衝
而形象鳥翔是也

蛇蟠陣圖



蛇蟠陣說

馬隆贊曰風爲蛇蟠蛇吞天真勢欲圍繞性能屈伸
四季之中與虎爲隣後變常山首尾相因

按西北東南二隅變爲蛇蟠陣有風無雲用總陣
二隅之隊以地軸爲首尾以天衝爲左右地衝次
之天衝又次之以風列兩端爲蟠象所謂風附衝
而形象蛇蟠是也

新都縣志

修志姓氏

纂修

新都

縣知

縣張奉書

宛平籍江蘇人

主稿

前任

會

理州學

正張懷洵

漢州人

協修

署

新都縣教

諭

任作輔

南部縣人

署

新都縣訓

導

薛芳

新都縣志

卷首序姓氏

編次

新

都縣典

史

錢

濤

安徽懷寧縣人成都縣人

城守左營駐防新都汎外委汪廷贊

參正

庚子

科舉

人魏用之

原任南川縣教

諭熊澤基

辛巳科舉人

廩

生傅

燮

廩

生劉煥堂

附

生李

欽

監

生鞠汝瑗

經理局務

貢

生陳于培

廩

生魏源普

校字

附

生周秉珪

廩

生宋漣

監刻

廩

生鄭孔源

新都縣志

卷首

序姓氏

廩

生劉焜

附

生汪作霖

採訪

辛巳

恩科舉人卽選教諭熊潤基

戊子科舉人卽選教諭王昀

現任蓬州訓導楊光海

候選訓導尹肇莘

甲午科副榜候選訓導駱良驥

候選布政司經歷周溱

候選按察司經歷周渭

從九品職銜劉瑛

貢生蕭開春

增生鄭華春

附生向開華

監生趙啟賢

附生涂中轍

附生粟純剛

貢生魏作賓

新都縣志

卷首序姓氏

三

貢生陳光欽

從九品職銜廖文彬

廩生周宜南

附生李魁光

監生楊光俊

武生廖昺

耆民魏德增

繪圖

黎陞魁 新都人

刊刻

劉紹彥
編作人

書手

李國秦
新都人

新都縣志

卷首
姓氏

四

新都縣志卷首

聖謨

世祖章皇帝訓飭士子卧碑文

順治九年

朝廷建立學校選取生員免其丁糧厚以廩膳設學院
學道學官以教之各衙門官以禮相待全要養成賢
才以供

朝廷之用諸生皆當上報

國恩下立人品所有教條開列于後

一生員之家父母賢智者子當受教父母愚魯或有

新都縣志

卷首

聖謨

一

非為者子既讀書明理當再三懇告使父母不陷
於危亡

一生員立志當學為忠臣清官書史所載忠清事蹟
務須互相講究凡利國愛民之事更宜留心

一生員居心忠厚正直讀書方有實用出仕必作良
吏若心術邪刻讀書必無成就為官必取禍患行
害人之事者往往自殺其身常宜思省

一生員不可干求官長交結勢要希圖進身若果心
善德全上天知之必加以福

一生員當愛身忍性凡有司官衙門不可輕入卽有
切已之事只許家人代告不許干預他人詞訟他
人亦不許牽連生員作証

一爲學當尊敬先生若講說皆須誠心聽受如有未
明從容再問毋妄行辯難爲師長者亦當盡心教
訓勿致怠惰

一軍民一切利病不許生員上書陳言如有一言建
白以違制論黜革治罪

一生員不許糾黨多人立盟結社把持官府武斷鄉

新都縣志

卷首

聖謨

二

曲所作文字不許妄行刊刻違者聽提調官治罪

聖祖仁皇帝聖諭十六條

康熙三十年

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠匿逃以免株連

完錢糧以省催科

聯保甲以弭盜賊

解讐忿以重身命

御製孔子贊並序

康熙二十五年

頌

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義

新都縣志

卷首

聖謨

三

湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜

殊途異趣日月無踰羹墻可晤孔子之道惟中與庸
此心此理千聖所同孔子之德仁義中正秉彝之好
根本天性庶幾夙夜勗哉合圖遡源洙泗景躅唐虞
載厯庭除式觀禮器擣毫仰贊心焉遐企百世而上
以聖爲歸百世而下以聖爲師非師夫子惟師於道
統天御世惟道爲寶泰山巖巖東海泱泱墻高萬仞
夫子之堂孰窺其藩孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺

新都縣志

卷首

聖謨

四

萬德來萃能化而齊其樂一致禮樂四代治法兼備
用行舍藏王佐之器

曾子贊

洙泗之傳曾以得之一貫曰唯聖學在茲明德新民
止善爲期格致誠正均平以推至德要道百行所基
纂承統緒修明訓辭

子思子贊

於穆天命道之大原靜養動察庸德庸言以育萬物
以贊乾坤九經三重大法是存篤恭慎獨成德之門

卷之藏密擴之無垠

孟子贊

哲人既萎楊墨昌熾子輿闡之曰仁曰義性善獨闡
知言養氣道稱堯舜學屏功利煌煌七篇並垂六藝
孔學攸傳禹功作配

訓飭士子文

康熙四十一年

頒

國家建立學校原以興行教化作育人材典至渥也
朕臨馭以來隆重師儒加意庠序近復慎簡學使釐
剔弊端務期風教修明賢才蔚起庶幾棧樸作人之

新都縣志

卷首

聖謨

五

意乃比年士習未端儒效罕著雖因內外臣工奉行
未盡善亦由爾諸生積錮已久粹難改易之故也茲
特親製訓言再加警飭爾諸生其敬聽之從來學者
先立品行次及文學學術事功源委有敘爾諸生幼
聞庭訓長列宮牆朝夕誦讀寧無究心必也躬修實
踐砥礪廉隅敦孝順以事親秉忠貞以立志窮經考
業勿雜荒誕之談取友親師悉化僞盈之氣文章歸
於醇雅毋事浮華軌度式於規繩最防蕩軼子衿佻
達自昔所譏苟行止有虧雖讀書何益若夫宅心弗

淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社要盟乃如之人名教不容鄉黨弗齒縱倖脫褫扑濫竊章縫返之於衷能無媿乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安

新都縣志

卷首

聖謨

六

望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓頒茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿做毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者

並宜傳集諸生多方董勸以副朕懷否則職業弗修
咎亦難逭勿謂朕言之不預也爾多士尙敬聽之哉

世宗憲皇帝諭知州知縣文

雍正元年

頒

朕惟國家首重吏治爾州牧縣令乃親民之官吏治
之始基也貢賦獄訟爾實司之品秩雖卑職任綦重
州縣官賢則民先受其利州縣官不肖則民先受其
害膺茲任者當體朝廷惠養元元之意以愛爲先務
周察鄙屋緩輯鄉里治行果有其實循卓自有其名
非內聚賄而外干譽謂之名實兼收也全省吏治如

新都縣志

卷首

聖謨

七

作室然督撫其棟梁也司道其垣墉也州縣其基址
也書云民惟邦本本固邦寧夫所以固邦本者在吏
治而吏治之本在州縣苟州縣之品行不端猶基不
立則室不固庸有濟乎哉

皇考臨御六十一年灼知州縣之重特行引見咨詢明試
至詳至慎其有廉能之員每不次超擢以示鼓勵今
海內羣黎皆

皇考所懷保也朕膺

宗社重寄思纘

皇考之治功惟爾州縣諸臣俱有父母斯民之責其爲朕
立之基址以固邦本焉誠能潔已奉公實心盡職一
州一縣之中興仁與讓教孝教忠物阜民安刑清訟
簡朕將升之朝中以作股肱如或罔念民瘼恣意貪
婪或朘削肥家或濫刑逞虐或借刻以爲清或恃才
而多事或諂媚上司以貪位或任縱胥吏以擾民或
徇私逞欲以上虧國帑王章具在豈爾貸歟更有任
州縣時私肥已橐而漫云且俟顯要方正名節者其
與初市清名晚而改操之人何以異哉至於錢糧關
一抵補虧空帑項者

新都縣志

卷首

聖謨

八

皇考示諭在廷不允其請爾諸臣其聞之矣今州縣火耗
任意加增視爲成例民何以堪乎嗣後斷宜禁之或
被上司察劾或被科道糾察必從重治罪決不寬貸
夫欲清虧空之源莫如節儉正直節儉則用無不足
正直則上官不可干以私若朘小民之生以飽上官
之貪欲冒不測之罪以快一時之奢侈豈砥礪廉隅

爲民父母之道乎爾州縣等官其恪共乃職勿貽罪戾母謂地遠官卑朕不及察其賢否也特諭

諭老農

雍正元年

朕惟四民以士爲首農次之工商其下也漢有力田孝弟之科而市井子孫不得仕宦重農抑末之意庶爲近古士子讀書砥行學成世用國家榮之以爵祿而農民勤勞作苦手胼足胝以供租賦養父母育妻子其敦龐淳朴之行豈惟工賈不逮亦非不肖士人之所能及雖榮寵非其所慕而獎賞要當有加其令

新都縣志

卷首

聖謨

九

州縣有司擇老農之勤勞儉朴身無過舉者歲舉一人給以八品頂帶榮身以示鼓勵

詔頒五王封冊

雍正元年

賜 肇聖王冊文曰右文稽古思統緒之相承重道尊師溯淵源於自遠舉千秋之曠典蘋藻維馨超五等之崇封絲綸式煥緬惟

先師孔子之五世祖木金父公系本殷朝居從魯國治維尙質傳樸素之舊風貴而彌恭守謙和之家法積功累行聿宏毓聖之基貽慶鍾祥遂極生民之盛朕

初登大寶欽想前規欲申景仰之忱用議顯揚之制
特追封爲肇聖王錫之冊命於戲克昌厥後永立人
倫之宗有開必先並膺素王之號服茲嘉命垂示無
窮

賜 裕聖王冊文曰道高聖域宜推師表之原恩浹儒
宗用廣尊崇之典擬王封而晉秩禮軼古今定鴻號
而加稱榮增洙泗緬維

先師孔子之高祖祈父公系出商宗望隆宋國姓分公
族爲孔氏之再傳瑞啟聖人逮宣尼而問出湖淵源

新都縣志

卷首

聖謨

十

於累葉知德盛而世昌鍾靈秀於一人實教尊而功
溥朕羹牆至聖寤寐前徽思敬禮之加隆必恩綸之
及遠特追封爲裕聖王錫之冊命於戲袞衣端冕視
躬桓蒲穀而彌尊春禴秋嘗與鳧繹龜蒙而並久膺
茲寵命永荷鴻休

賜 詒聖王冊文曰聖人覺世道有開而必先王者尊
師禮必隆於所自備顯揚之典用煥千秋申嚮往之
誠特超五瑞緬維

先師孔子之會祖防叔公殷朝賢裔魯國儒宗潛德彌

彰守高曾之矩獲詒謀自遠蘊詩禮之淵源聿開天
縱之能四科立教爰啟時中之聖一貫傳心朕寶歷
初膺前徽是式溯儀型而景仰加名號以褒崇特追
封爲詒聖王錫之冊命於戲俎豆常新峻秩與尼山
並峙絲綸誕賁恩光共洙泗長流永荷崇加昭垂無
斁

賜 昌聖王冊文曰化民善俗道首賴乎師資積行累
功誼應推夫祖德閱再傳而誕聖垂裕詒謀超五等
以加封創興盛典緬維

新都縣志

卷首 聖謨

十一

先師孔子之祖伯夏公東山毓秀泗水鍾靈生秉禮守
義之邦漸摩旣久奉崇信尊賢之訓牖迪尤深集慶
在躬早兆四科之教克昌厥後遂開萬世之蒙朕寶
歷初膺景行彌切推降祥之有自念賢號之宜加特
追封爲昌聖王錫之冊命於戲溯尼山之世澤茂績
丕昭崇闕里之家聲斯文益振服茲嘉命永式光榮
賜 啟聖王冊文曰達天盡性溯道統之攸傳崇德報
功體孝思之不匱惟誕生夫睿哲遂永樹乎師模用
賁徽章特升峻秩緬維

先師孔子之父叔梁公望重魯邦業傳鄒邑秉姿勇毅
垂史傳之盛名積慶悠長衍家庭之令緒感殊祥於
闕里兆啟素王徵靈應於尼山運鍾至聖粵從前代
顯贈上公茲當纘緒之初更議推恩之典特追封爲
啟聖王錫之冊命於戲澤惟裕後聿宏作述之規善
則歸親宜加尊榮之禮儀型如在嘉命是承

御製聖諭廣訓序

雍正二年

書曰每歲孟春適人以木鐸徇於路記曰司徒修六
禮以節民性明七教以興民德此皆以敦本崇實之

新都縣志

卷首

聖謨

三

道爲牖民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六
十年來宵衣旰食祇期薄海內外興仁講讓革薄從
忠共成親遜之風永享昇平之治故

特頒上諭十六條曉諭八旗及直省兵民人等自綱常名
教之際以至於耕桑作息之間本末精粗公私鉅細
凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨

御兆人以

聖祖之心爲心以

聖祖之政爲政夙夜黽率由舊章惟恐小民遵信奉行
久而或怠用申誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無非
奉

先志以啟後人使羣黎百姓家喻而戶曉也願爾兵民等
仰體

新都縣志

卷首 聖謨

三

聖祖正德厚生之至意勿視爲條教號令之虛文共勉爲
謹文節用之庶人盡除夫浮薄囂凌之陋習則風俗
醇厚家室和平在朝廷德化樂觀其成爾後嗣子孫
並受其福積善之家必有餘慶其理豈或爽哉

諭教士子責成學臣教職 雍正四年

爲士者四民之首一方之望凡屬編氓皆尊之奉之
以爲讀聖賢之書列膠庠之選其所言所行俱可爲
鄉人法則也故必敦品勵學謹言慎行不愧端人正
士然後以聖賢詩書之道開示愚民則民必聽從其

言服習其教相率而歸於謹厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士子雖不乏閉門勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如是則必薄待讀書之人而並輕視聖賢之書矣士習不端民

新都縣志

卷首

聖謨

四

風何出而正其間關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣跡請行嚴懲者甚多朕思轉移化導之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士

習之不端而風俗之未淳也朕孜孜圖治欲四海之
大萬民之衆皆嚮風而慕義革薄而從忠故特簡督
學之臣慎重學臣之職欲使自上而下端本澄源以
收實效也凡爲學臣者務使持公秉正宣揚風化於
教官之稱職者卽加薦拔溺職者卽行叅革爲教官
者訓誨士子悉秉誠心如父兄之督課子弟至於分
別優劣則至公至當不涉偏私如此各盡其道則士
子人人崇尚品詣砥礪廉隅且不但自淑其身而羣
黎百姓日聞善言日觀善行以生其感發之念風俗

新都縣志

卷首

聖謨

五

之不變庶幾其可望也特諭

御題聖廟四配匾額顏子匾曰德冠四科曾子匾曰道
傳一貫子思子匾曰性天述祖孟子匾曰守先待後
又

御題閔子匾曰躬行至孝仲子匾曰聖道于城

雍正五年

諭旌獎務期核實

雍正元年

上諭禮部致治之要首在風化移風易俗莫先於鼓勵
良善使人人知彝倫天則之爲重忠孝廉節之宜敦
古帝王勞來匡直所以納民於軌物者舍是無由也

朝廷每遇覃恩詔欵內必有旌表孝義貞節之條實
係鉅典邇來直省大吏往往視爲具文並未廣諮遠
訪祇將有力之家囑託賂遺者漫憑郡縣監司之申
詳卽爲題請建坊而山川僻壤窮氓耕織之人或菽
水養親天性篤孝或栢舟矢志之死靡他鄉鄰嗟嘆
爲可欽而姓氏不傳於城邑幽光湮鬱潛德消沉者
何可勝數爾部卽着傳諭督撫學政諸臣嗣後務期
各屬搜羅虛公核詢確據本人鄉評實蹟題奏旌獎
勿以匹夫匹婦而輕爲沮抑勿以富家巨族而濫爲

新都縣志

卷首

聖謨

六

表揚以副朕成俗化民實心彰善至意特諭

諭人子毋毀傷肢體

雍正六年

上諭覽福建巡撫常賚奏稱羅源縣孝子李盛山割肝
救其母病母病愈後李盛山傷重身故請加旌表部
議以割肝乃小民輕生愚孝向無旌表之例應不准
行朕念割肝療疾事雖不經而其迫切救母之心實
難得而可憫已加恩准其旌表矣嘗讀韓愈之文曰
母疾則止於烹調藥石以爲事未聞毀傷肢體以爲
養苟不傷於義則聖賢當先衆而爲之矣又讀朱子

書曰割股固自不是若誠心爲之不求人知亦庶幾
今乃有以此要譽者是先儒論及此者屢矣本朝順
治年間定例割股或致傷生卧冰或致凍死恐民倣
倣不准旌表伏思我

世祖皇帝

聖祖皇帝臨御萬方立教明倫與人爲善爾於此例慎予
旌表者誠乃天地好生之盛心聖人覺世之至道視
人命爲至重不可以愚昧而誤戕念孝道爲至宏不
可以毀傷爲正理立法垂訓實有深意存焉但向來

新都縣志

卷首

聖謨

七

地方有司未嘗以聖賢經常之道與國家愛養之心
明白曉諭開導編氓是以愚夫愚婦救親而捐軀殉
夫而殞命者往往有之既有其事若不予以旌表恐
無以彰其苦志而慰其幽魂所以數十年來雖定不
子旌表之例而仍許其奏聞且有邀恩於常格之外
者仰見

聖祖皇帝哀矜下民之

聖心固如是之周詳而委曲也孝經曰身體髮膚受之
父母不敢毀傷孝之始也孟子曰事孰爲大事親爲

太守孰爲太守身爲大此皆言人子一身乃父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母愛子之心無所不至偶有疾病尙以爲憂設有不肖忤逆之子父母且怒而矜之其純孝之子而父母之愛憐又當如何也豈有以已身患病之故割其子之肝肉充飲饌而和湯藥其父母之心斷無不驚憂慘惕不安之理也若因此而至於傷生又豈父母所忍聞者乎夫父母有疾固人子所當盡心竭力之時而孝道多端實不

新都縣志

卷首

聖謨

六

容効命捐軀於一節孔子曰生事之以禮死葬之以禮祭之以禮是人生孺慕之誠原通百年而無間者也人子一身承先啟後負荷甚鉅若舍身殞命於倉卒之間而忘宗祀繼續之重恐非所以爲孝也况人子於親本乎天性倘能盡至誠純孝之實則親病雖篤呼籲請禱力省一身之過誓願爲一正人如此必能感天地動鬼神何須割肝剖股以爲回生之良劑乎家庭之行惟在至誠至敬善體親心不必以驚世駭俗之爲著奇於日用倫常之外也至若婦人從一

之義醮而不改乃天下之正道而其間節婦烈婦亦
有不同者烈婦以死殉夫慷慨相從於地下固爲人
所難能然烈婦難而節婦尤難蓋從死者取決於一
時而守貞者必歷夫永久從死者致命而遂已而守
貞者備嘗其艱難且烈婦之殉節捐軀其間情事亦
有不同者或迫於貧窶而寡自全之計或出於憤激
而不暇爲後日之思不知夫亡之後婦職之當盡者
更多上有翁姑則當奉養以代爲子之道下有後嗣
則當教育以代爲父之道他如修治蘋蘩經理家業

新都縣志

卷首

聖謨

九

其事難以悉數安得以一死畢其責乎是以節婦之
旌表載在典章而烈婦不在定例之內者誠以烈婦
捐生與割肝剖股之愚孝其事相類假若倣倣者多
則戕生者衆爲上者之所不忍也向來未曾通行曉
諭朕今特頒諭旨著地方有司廣爲宣布務期僻壤
荒村家諭戶曉俾愚民咸知孝子節婦之自有常道
可行而保全性命之爲正理則倫常之地皆合中庸
不負國家教養矜全之德矣倘訓諭之後仍有不愛
軀命蹈於危亡者朕亦不槩加旌表以成閭閻激烈

之風長愚民輕生之習思之思之特論

隆學校以端士習

古者家有塾黨有庠州有序國有學固無人不在所教之中專其督率之地董以師儒之官所以成人材而厚風俗秀頑強懦使之歸於一致也我

聖祖仁皇帝壽考作人特隆學校凡所以養士之恩教士之法無不備至蓋以士爲四民之首人之所以待士者重則士之所以自待者益不可輕士習端而後鄉黨視爲儀型風俗由之表率務令以孝弟爲本材能

新都縣志

卷首

聖謨

三

爲末器識爲先文藝爲後所讀者皆正書所交者皆正士確然於禮義之可守惕然於廉恥之當存唯恐立身一敗致玷宮牆惟恐名藝雖成負慙衾影如是斯可以爲士否或躁競功利干犯名教習乎異端曲學而不知正道驚乎放言高論而不事躬行問其名則是考其實則非矣昔胡瑗爲教授學者濟濟有成文翁治蜀中子弟由是大化故廣文一官朕特飭吏部悉以孝廉明經補用凡以爲興賢育才化民成俗計也然學校之隆固在司教者有整齊嚴肅之規尤

在爲士者有愛惜身名之意士品果端而後發爲文章非空虛之論見之施爲非浮薄之行在野不媿名儒者在國卽爲良臣所係顧不重哉至於爾兵民恐不知學校之爲重且以爲與爾等無與不知身雖不列於庠序性豈自外於倫常孟子曰謹庠序之教申之以孝弟之義又曰人倫明於上小民親於下則學校不獨所以教士兼所以教民若黌宮之中文武並列雖經義韜畧所習者不同而入孝出弟人人所當共由也士農不異業力田者悉能敦本務實則農亦

新都縣志

卷首

聖謨

三

士也兵民無異學卽戎者皆知敬長愛親則兵亦士也然則庠序者非爾兵民所當隆重者乎端人正士者非爾兵民所當則倣者乎孰不有君臣父子之倫孰不有仁義禮智之性勿謂學校之設止以爲士各宜以善相勸以過相規向風慕義勉爲良善則氓之蚩蚩亦可以禮義爲耕耘赳赳武夫亦可以詩書爲甲冑一道同風之盛將復見於今日矣雍正 年二

月初二日

高宗純皇帝禁州縣冒充書役

乾隆元年

上諭朕惟州縣爲親民之吏自宜廉平不擾懋著循聲
乃獄訟催科之際官民情意易致睽隔百姓潛受苦
累而無由自訴者則以書役之爲害正劇州縣官不
知所以振刷而剔除之也朕訪聞直省州縣衙門經
承之外必有貼寫正役之外每多白役聚此數十輩
無賴之徒假托公務橫肆貪饕其爲小民擾累何可
勝言故有獄訟尙未審結而耗財於若輩之手兩造
已經坐困者矣額糧尙未收納而浮費於催徵中飽
於蠹胥已什去二三矣其餘勾緝命盜因緣舞弊遇

新都縣志

卷首

聖謨

三

事生風株連無辜賄縱要犯大率貼寫白役之爲居
多各直省督撫務宜嚴飭各該州縣將所有吏役按
籍勾考其有私行充冒者悉行裁革設正額書役實
不敷用不妨於貼寫帮役中擇其淳謹者酌量存留
亦必嚴加約束毋得非時差擾至於經承正役務須
時刻稽查倘有壞法擾民之事立即按律重懲庶使
若輩知所顧忌不得肆其伎倆倘或明知故縱姑息
養奸又或喜其巧於趨承受其蒙蔽此則不愛百姓
而愛吏役卽屬戕害吾民之甚者也爲民父母其恐

出此乎且胥吏之爲害不止州縣衙門已也凡徵解錢糧上司書吏輒向州縣衙門書吏索取費用而縣吏假藉司費紙張名色派索花戶又如徵解漕糧時糧道衙門書吏需索縣吏規禮因而縣吏亦遂勾通本縣家人盤踞倉廩於正額外多收耗米稍不遂意百般留難遠鄉小民以得收爲幸守候爲艱不得不飽其貪壑又聞院司衙門凡州縣申詳事件每先發各房書吏擬批送籤書吏從此作奸射利遲速行駁之間得以上下其手蓋衙蠹之爲擾自上及下正不

新都縣志

卷首

聖謨

三

自州縣始也是在爲督撫者整肅紀綱立闔省之表率而監司守令各奉厥職互相糾正則弊絕風清民安衽席朕惠養元元之恩意得以周浹閭閻矣特諭

加孤貧口糧

乾隆二年

上諭直省設立養濟院收養孤貧月給銀米計口授食俾官主其事吏胥無得中飽法至周也但聞州縣舊例給發孤貧口糧遇小建不扣遇閏月不加試思鰥寡孤獨疾病殘廢之衆旣無營生又非乞丐若年歲遇閏一月無糧其何以存活着該部通行直省督撫

嗣後孤貧口糧皆計口給發小建可扣閏月糧應加使均霑實惠欽此

定蠲免

乾隆二年

上諭蠲免錢糧所以紓民力而惠黎元或偏災偶見尤宜急加寬恤故周禮荒政以薄徵爲先乃不肖州縣一聞蠲免恩旨往往於部文未到之前差役四出晝夜追比追呼之擾更甚平時迨詔旨到日百姓已完納過半朝廷有賜復之恩而閭閻不得實被其澤甚至官吏分肥侵漁中飽情弊種種深可痛心我

新都縣志

卷首

聖謨

三

皇考世宗憲皇帝洞悉其弊雍正十一年八月內蠲免甘肅地丁銀兩奉

旨將已完在官之項准抵明年正課此誠萬世之良規所當遵奉者嗣後凡有蠲免俱以奉旨之日爲始其奉旨之後部文未到之前有已輸在官者准作次年正賦永著爲令如官吏朦混隱匿卽照侵盜錢糧律治罪欽此

仁宗睿皇帝御製邪教說墨刻

嘉慶五年

頒

仁育義正

先聖王以道德仁義禮樂政刑裁成輔相化育萬方使民日趨於正道恐爲邪說所惑也自二氏行於中國始有釋教道教之名因其說亦皆吾儒所撰大旨亦精微元妙勸人爲善戒人爲惡輔翼王化無大差謬是以聖帝明王姑存此類不加沙汰至於白蓮教之始則爲騙錢惑衆假燒香治病爲名竊佛經仙籙之語衣服與齊民無異又無寺宇住持所聚之人皆失業無賴之輩所以必流爲盜賊是又僧道之不若矣然天下之大何所不有苟能安靜奉法卽燒香治

新都縣志

卷首

聖謨

三

病原有惻怛之仁心在朝政之所不禁若藉此聚衆弄兵漸成叛逆之大案則王法之所不容故查拏之始原因謀逆之一二人如劉松宋之清劉之協首犯耳劉松宋之清皆已伏法並未株連而劉之協自抉溝脫逃所緝者仍此一犯而地方官有奉行不善者有苛求圖利者胥役衙書四出滋擾閭閻無賴借事吹求將正犯反置於不問妄拏無辜名曰欲辦白蓮教以致羣起於襄陽由豫入陝而川省達州徐添德王三槐亦乘時蠢動互相勾結自此遂東奔西竄疲

我官兵害我良民傷心慘目實難備書現今賊營中非盡教匪也亂民乘勢圖刦掠耳夫官軍所誅者叛逆也未習教而抗拒者殺無赦習教而在家持誦者原無罪也卽如劉之協雖爲白蓮教教首其未謀逆以前若俯首就擒其罪僅止發遣耳脫逃後至湖北糾約姚齊二逆併同教人等定於辰年辰月辰日辰時起事是真叛逆斷不可赦矣起事後伊又潛住豫省漏網七年之久若從此安靜匿藏原可倖免孰意又糾約李傑等由寶邨起事此由罪大惡盈天神共

新都縣志

卷首

聖謨

三

債使之自投法網得正憲章豈人力哉故白蓮教與叛逆不同乃顯而易見之理設若賊營中有一二僧道豈盡行沙汰二氏乎有一二生員豈遂廢科舉之典乎然則白蓮教爲逆者法在必誅未謀逆之白蓮教豈忍盡行勦洗耶白蓮教與叛逆不同之理旣明則五年以來所辦理者一叛逆大案也非欲除邪教也然聚衆斂錢終流爲不靖是在良有司實心訓導宣揚正學漸仁摩義蹈矩循規化其暴戾易俗移風庶幾世臻小康民安本業朕實有厚望焉

御製明慎用刑說墨刻

嘉慶十二年

頒

道德齊理聖王垂教之本意也齊之以刑聖王不得已之苦心也代天子民者君也爲人君止於仁止之義蓋言一切用人行政除暴去殘皆仁心所流露也君爲衆父億兆皆吾赤子豈不欲其生而必欲置之絕地哉誠以良莠不同干名僭義作奸犯科之徒非刑不能齊之耳而用刑之大旨不外乎明慎明者知其事之原委察其情之真僞兩造旣備虛衷聽斷如日之光不遺幽暗犯法者甘心認罪受害者了無嗔

新都縣志

卷首

聖謨

三

怨此明之功效也慎者胞與爲懷豈可任其殘賊哀矜勿喜一死不能復生一字無虛始可定案片言不實勿厭重推總欲吾心毫無疑竇則情真法協如衡之平焉有輕重倒置此慎之功效也我朝立法至爲詳備凡一罪囚必經數次覆勘始定爰書在官者胥得預議至於情實重犯尙候勾到有一綫可寬者改入可緩視前代設鎮撫司習用非刑草菅人命者真天淵之隔矣人心日流日下犯法者多案牘紛繁詐爲百出問刑有司憚於聽訟漸至潦草隨意不能虛

衷延納反覆推求遂令奸詭者漏網懦弱者懼罪健
訟者逞刁覆盆者難雪皆不能明慎之所致也朝審
爲恤刑大典誠兼聽並觀盡美盡善之良法在京則
大學士九卿科道在直省則督撫藩臬司道公同會
議雖古之明目達聰何以踰此哉奈奉行已久視爲
泛常旅進旅退無聲無臭覲顏謂毫無冤抑罪當情
真間有一二敢言之臣以從緩改實加重辦理爲認
真益增秋肅之氣反失春生之旨所謂北轅適越相
去益遠矣夫明生於公公則無私無私始能明慎由

新都縣志

卷首

聖謨

三

於勤勤則不怠不怠斯能慎嗚呼凡百有位皆以明
慎爲用公勤爲體庶幾辟以止辟以馴至於刑期無
刑鼓太和之元氣臻斯世於大同遇可言之時行有
爲之績予一人實有厚望焉